

休寧厚田吳氏宗譜卷之四

左臺三十七世孫騫輯

世傳

新安第一世左臺御史仲材公

案公字及號皆不見本傳及地志各

書惟舊譜具載今亦仍之

公諱少微字仲材號邃谷新安人也第進士長安中累至晉陽尉與武功富嘉謨同官友善先是天下文章以徐庾為宗氣調益弱獨公與嘉謨屬詞本經學雄邁高雅時人慕之文體一變稱為吳富體公撰崇福寺鐘銘

嘉謨作雙龍泉及千燭谷頌尤爲作者推重并州長史張仁亶待以殊禮坐必同榻時魏郡谷倚爲太原主簿亦以文詞著名時號北京三傑中興初吏部侍郎韋嗣立薦公與嘉謨同時爲左右臺監察御史公臥病聞嘉謨死慟哭賦詩尋亦卒有文集五卷

新舊唐書參

附

宋羅願新安志新舊唐書皆稱少微新安人惟唐御史臺記稱少微渤海人案祥符圖經亦載少微於歙縣人物中今從之又舊書文苑傳稱吳富文集各五卷經籍志三人集各十卷

明彭期生新安名賢論世略公徙居休寧縣西石

舌山人爲改石舌爲鳳凰山蓮池爲鳳凰池

忠孝支裔孫津重修譜公卒葬鳳凰山寅山申向

夫人王氏葬同山

篁南支裔馨藏譜公元配夫人朱氏同葬鳳凰山

坤山良向夫人程氏葬吳山寺後土名隆源

案二譜所

載不同未審孰是

第二世中書舍人鞏公

公諱鞏開元中為中書舍人以文行知名

舊唐書參  
新安志

附

忠孝支裔孫津譜公有鳳池集經兵火無存

案鳳池集

之名亦未見於新舊唐書嘗從舊譜  
錄公遺詩僅得三首入吳氏濟美集



第十一世休寧令琇公

公諱琇又作透後唐時為休寧令舉錯有方廉能周備  
名譽日著因勸農歷諸鄉至里仁金竺愛其谿山之勝  
因卜居焉以五雷諸峯為案

諸舊譜參

第十二世上柱國依遷公

公諱依遷仕後唐為上柱國大將軍功勳昭著以老病  
乞歸終於里第宋淳熙中有諱格者文詞純雅歷官樞  
密都丞旨起居舍人公後也

忠孝支裔孫津譜案  
格字之平邑石田人詳休

寧縣志  
宦業傳

第十二世通守依舒公

公諱依舒仕閩州通守居邑東吳田世有名德至十四

世孫大義徙歙巖鎮生侍御真諸舊譜參案真字秉

徽州府志選舉上

第十二世依牽公

公諱依牽始徙商山九世孫俯傲竝舉進士

舊譜參案俯宋乾

道丙戌進士詳徽州府志選舉上傲字益  
恭紹興丁丑進士詳徽州府志儒碩傳

第二十八世延壽公

公諱延壽生值元季羣雄擾攘播遷流寓迨明祖定鼎  
海宇寧謐公仍還鄉邑卜居賓暘救寧之間析其子三  
人爲上中下三門俾輪掌先祠祭祀各勵家規以恢擴  
前業



第三十二世仰朝公

公諱意元字仰朝昌言公次子也明萬歷中自休寧來  
離於浙至雙溪秋錦間慕角里醇風因寄帑焉是爲構  
李宗支之始遷祖今故居在屠家浜側公中歲未有子  
以兄子萬銓爲嗣不能承公意常忽忽不樂側室黃氏  
舉一子卽萬錦公也時公年已五十明年公卒黃矢節  
撫孤而族人利其所有多方侵侮覲以敗其節黃志益  
堅至棄公遺財以保孤復以鍼黹緝緝之餘買地菜花  
涇東葬公及元配程孺人母子躬事畚插負土成墳見

者爲之嗟歎平居教子嚴而有法後萬錦公卒爲正士子姓繁衍皆節婦保孤之力也餘詳藝文

第三十三世定字公

公諱萬鎮字定字爲人慷慨尙氣節藝勇絕人以義俠聞三吳間素與陳中丞祖苞善天啓中中丞以興創鹽場事貽書招公公念知己不可卻乃偕母弟達字公至海昌爲之度畫公素諳鹺務遂寓止新倉里而經始焉

附

戰效會海寧州志西路場鹽倉創自前明天啓間

邑人陳祖苞見其地瀕海思墾荒建廩以濟海上貧民向與休寧素業鹽之吳萬鎮善知其才猷練達貽書招致來寧相度地勢呈明當事爲開運河

仁寧吳氏宗譜 卷之四  
辟草萊建廩數十所越三載而告竣貧民賴以衣食者甚衆迄今廩房櫛比商賈雲集較舊倉爲更盛蓋倡之者祖苞而成之者萬鎮也

第三十四世爾鳴公

公諱應鶴字爾鳴與兄爾儀公爾期公俱敦信行樂行善於鄉公尤愛泉石嘗築小圃於小桐谿之上葛巾野服日與二三同志徜徉其間人謂有高世之風焉教子讀書昕夕不輟顧以先世多隱德未嘗語及求名事中年自擇墓地築生壙壽八十餘而歿宰樹悉已成林

第三十五世國美公

公諱國美世居休寧先是延壽公有興復本支宗祠之志設立規制命其子添興九遠志隆三門輪值歲事厥後遞有興創至嘉靖間火災四街灾及支祠一切祭器譜牒俱燬無存幸本宗之有志者纘承前緒逐歲捐資公匣思復前規鼎新祠宇康熙戊辰冬又罹祝融之厄時方公值匣痛宗祀之禍不勝扼腕未幾而歿時三十四世臨吉公亦有志興復宗祠旋因白頰之擾而止

第三十五世繼芳公

公諱國華字繼芳少好學書法鍾王爲詩多陶寫性情  
不尙雕刻晚得風疾長在牀蓐間猶吟咏不輟有蔓草  
若干卷



傳啟節畧伏乞到削並祈攷校

此五十六九長健揚  
未抄出此庶厚孔遷之

少微公唐封事實

且功其不必幸否

蓋聞隆勳殊爵詔自宗祖者宜昭軼事遺言得之子

孫者可據茲以甲子之秋董事呈上宗明初公左臺

吳氏譜牒一册拜瞻

得姓始祖泰伯公暨六十一世

新安始祖少微公遺像及宗賢叙讚竊有感焉憶辛丑之

春玦以庶常乞假歸里焚黃仰見大宗祠匾額題主以

公為唐左臺監察御史宗譜少微公傳僅採諸羅願新安

志故至今咸以公左憲垂聲名推三傑文稱吳富體稱道弗

衰詎攷明初譜中列傳唐代宗大曆元年一勅少微公以

文德而兼武烈以唐進士及第由侍御官大都督同平

章事追封晉國公宋汝南范文正公徽國朱文公信國文

文山公諸賢紀序班之可考玦按公之勳名事業固已顯於

當時公之顯秩宗封亦宜傳之後世海陽大宗祠廟貌規

模理應重新更易玦以一官絕繫弗克歸里襄事爰將

譜牒屬董事玦會七十二支及分遷異地各支曾在祠

附主會族者勸諭各展仁孝踴躍樂輸重新祠宇改易規

模俾

祖宗勳爵昭示無窮亦吾族一盛舉也凡我宗盟尚其念諸謹啟 上書

願入肄業許公奇而許之既游秦溪何先生汝霖之門

玦三十九世皆當師玦乃玦也玦以誠意正心無自

受玦九世玦欺為主玦取玦自玦小玦有過差玦自責曰何以對

嘗按房書百官志外官有大都督玦身玦二玦去玦字

代宗大曆元年宗明初公左臺監察御史宗明初公左臺

之持歸服而增劇發憤到股幾斷其腕母疾失明醫藥

罔效晨夕以舌舐之母目復明二弟仲日勉彝公季日

第三十五世孝子玉章公

公諱琦文字玉章號誠菴生有異秉讀書數行竝下許  
侍郎三禮宰海寧勅立義塾延名師以主教席公上書  
願入肄業許公奇而許之既游秦溪何先生汝霖之門  
所交皆當世文學篤行之士公學一以誠意正心無自  
欺爲主居恆取夏楚自隨小有過差輒自責曰何以對  
吾親乎性至孝父疾徒步數百里延醫醫懸爲處方付  
之持歸服而增劇發憤刲股幾斷其腕母疾失明醫藥  
罔效晨夕以舌舐之母目復明二弟仲曰勉彝公季曰

德求公咸秉兄之教克厲操行而女弟淑士亦知學問事母至孝以侍疾過勞卒於家時目爲孝女配汪孺人素賢淑事舅姑盡禮甫三十而卒公亦不再娶公歿後四十餘年鄉里猶稱公孝行不置乾隆己未浙江巡撫德公沛列公事實請旌於

朝公孫正純復捐資建孝子祠於海寧學宮櫺星門內奉公祀焉餘詳旌孝錄公所著有誠菴遺稿

第三十五世勉彝公德求公

勉彝公諱奇行少儻負奇氣與兄玉章公弟德求公互以學行相切劘所造遂臻純粹其交遊如許楹查樞范鯤諸人竝志行敦實之士楹於送終禮首重葬法惟公論與之合凡姻戚交舊有喪者輒爲之經紀或貧乏不克舉事則傾囊助之無吝色玉章公旣歿家貧未葬公篤念同氣日夕憂泣與德求公謀始得地於蓮漚之原又爲豪強所凌幾不克葬竭力捍侮始得安土詳許楹罔極錄德求公諱奇馥天性醇謹從兩兄之教以理



學為己任嘗慨先世譜牒散佚思復為蒐輯躬詣休寧  
咨訪近族草稿藏於家學山堂重輯譜乃以為藍本也  
公素惡異端臨歿誠後人勿脩佛事

附

許楹罔極錄吳子玉章之葬適當大雨啓土三尺  
而有水予與勉彝德求相持痛哭於法不宜葬第  
念勉彝兄弟畱心葬地已三十年屢卜地而屢不  
愜曹河新阡乃勉彝深信不疑重價以得之者舍  
此再覓終無可葬之日矣萬不得已四面厚築土  
牆牆外搃築土以厚護之迄於成冢予告勉彝德

求此葬實出勉強力不能遷惟有歲歲加培稍可

補救耳

案乾隆三十二年四月誠菴公孫正純卜地改葬啓窆之際見椁外果有水痕若屋

漏者始歎前輩先見真不爽也 篤謹識

第三十五世連士公

公諱奇廣字連士溫恭敦厚有長者之風事二親克盡孝道接物專以恩義配蕭孺人嘗買得一婢公察其言動不類小家女詢之知其父曾爲嘉興批驗所大使卒於官貧不能歸鬻女以奔其喪公惻然憫之令蕭孺人撫以爲女逮長擇壻嫁焉裝送與已女無少異時以爲美談女感公德誠子孫世世無忘吳氏云



第三十五世玉方公

公諱奇慶字玉方少好學凡河洛數理之書靡不精究而星命家言尤有獨得之奧爲人端恭嚴毅教子弟以義方門以內秩如也公夙有知人之鑒喜獎引後進從孫正純甫弱冠暇輒呼與講新安家祠之制時正純苦貧朝夕幾不給人皆目公爲迂後正純家漸饒勗孝子祠於海寧學宮之側以祀其祖誠菴公復於各祖塋傍構祠宇數處俱極宏敞皆稟公教也女弟適仁和項氏早寡而貧困公撫其孤守約凡衣食教誨與所生無異

守約卒賴公以興其家事母至孝先是爾鳴公性喜閑  
適嘗築花圃於小桐溪之上母晚歲猶時時慕想家園  
而遠隔百餘里不能時至守約乃竭力構池臺於所居  
之側以娛晚景顏曰萊園至今爲武林之勝教其子若  
孫皆成名亦公有以成之也生平樂善重然諾愛施與  
雖困乏不憊嘗言吾後人當有興者素嫉異端晚歲得  
風眩疾遺命勿作佛事斂以時服喪祭一遵朱子家禮  
識者韙之

第三十六世贈奉直大夫心曙公

公諱有曦字心曙天秉孝友家故貧事考誠菴公盡菽  
水之樂迨誠菴公歿錄其遺文及行事乞言於諸名碩  
病不能出復命子正純以誠菴公孝行籲當事獲  
旌於

朝皆公志也

第三十六世與岑公

公諱有睦字與岑號守愚少性慷慨尙氣節見非禮則義形於色雍正初世父誠菴公以交遊案爲鄰邑某氏連染追逮孔亟時誠菴公已歿心曙公憂惶不知所措公慨然曰吾伯止此兄且素弱多病吾請任其事或諷止之不聽素有嘔血疾大作亦不顧無何事得解而還時人目爲義士嘗於路拾遺簪日且暮伺物主而還之其人泣謝以去公至夜分始歸家人怪其遲叩之乃道其故凡勇於爲善皆此類也

第三十六世武菴公

公諱琰京字武菴少有清才善口辨丰姿儁逸同輩莫能及之公體素羸三十餘嬰疾知不起泣然顧其配許孺人曰吾事親不竟負恨靡涯爾其善承吾志則當啣感於地下矣言訖而歿許孺人明陝西布政使士奇曾孫女性賢孝嘗剝股以療姑疾夜則焚香祝天願減己筭益姑壽教二子皆有法壽八十有四以節孝奉旌入祠



第三十六世心安公

公諱琰中字心安號愚齋生而端慤言笑不苟弱齡有成人之度讀書過目卽能成誦伯父誠菴公雅器之曰吾家千里駒也公至性過人事親有曾閔之行玉方公與蕭孺人義方之訓甚嚴小有過督輒長跪涕泣請罪不命之起不敢起至於甘旨衣物之奉非出於己所力營手製者弗以進也弟臨菴公素曠達不屑屑於家人生產公與均財合爨終其身未嘗有恡色臨菴公老無子以次子嶸爲之後嶸早世公復撫其子與己孫無異



爲人溫恭克讓存心一主忠信口不言人之過亦未嘗揚己之長人謂公生平多隱德後必有餘祥也公於學務期實踐不讀非聖之書尤嫉二氏之教流爲世害嘗著不惑論以闢之大要謂二氏動以禍福報應之說惑人不知吉凶悔吝壹視其所自取是以唐李舟與妹書云天堂無則已有則君子登地獄無則已有則小人入豈非千古之名言乎論後又附問荅反覆辨難不下數千言大抵皆救時之鹽石也時公春秋方四十故以不惑名篇學士家競相傳錄今杭州府志藝文儒家類

載不惑論一卷卽公書也晚歲得風眩之疾預誠身後

勿作佛事喪葬一遵玉方公故事而參以朱子家禮配

程孺人諱長鳳考候選州司馬諱韶孺人少嫻壺範在

室以賢孝聞及來歸事舅姑先意承志備隆敬養勤苦

節儉佐公以興其家教子業儒延師家塾飲膳必親治

春秋膾臘祭祀務竭其誠居姑喪晝夜哀泣雙目致失

明司馬公無子孺人爲之立後并鬻釵珥爲父母叔弟

營葬人至今稱孝女阡云餘詳墓碣及行略

通家姪省蘭填諱。

墓碣見藝文行略文多別具男霖騫謹識

*[Faint bleed-through text from the reverse side of the page, including characters like 伊寧縣志, 卷之四, 公諱正純, 字景一, 別號東山, 姿地穎敏, 有過人之質, 甫三歲, 母查宜人卒, 躄踊哀號, 禮如成人, 見者為之動容, 大父誠菴公, 尤愛之, 授以詩書, 都能通大義, 從祖玉方公, 雅擅人倫, 之鑑於羣, 從中獨奇, 公每為之提挈, 勗勵時家, 苦乏, 上有重親, 幾無以供, 菽水歡於, 是綜理鹽筴, 用是家漸饒, 四旬以外, 頗號素封, 焉然公誠孝, 本於天性, 事誠菴公, 心曙公, 生養沒葬, 無一不殫, 財竭力, 既承心曙公志, 疏誠菴公, 孝行呈, 當事得荷]*

第三十七世奉直大夫景一公

公諱正純字景一別號東山姿地穎敏有過人之質甫三歲母查宜人卒躄踊哀號禮如成人見者為之動容大父誠菴公尤愛之授以詩書都能通大義從祖玉方公雅擅人倫之鑑於羣從中獨奇公每為之提挈勗勵時家苦乏上有重親幾無以供菽水歡於是綜理鹽筴用是家漸饒四旬以外頗號素封焉然公誠孝本於天性事誠菴公心曙公生養沒葬無一不殫財竭力既承心曙公志疏誠菴公孝行呈當事得荷

恩綸復捐貲勸孝子專祠於海寧學宮之側以奉誠菴公主又建祠宇於各墓所撥產五百餘畝屬於吳孝祠戶下以爲每歲會其租入奉諸先祀外苟有贏餘不妨以贍族之貧者略仿范文正公義田之規撫事雖未盡舉行然公崇本之願亦於此可覩矣宗譜自徙浙以來久曠不修晚歲令從子日照執筆自授以意勸爲支譜草稿藏於家公於陰陽地理之學靡不精通尤能望氣而預知凶吉雖世之專名藝術家不能過也配曹宜人少有志識德性過人事祖父母父母咸以孝聞及歸奉直

公時姑已前卒事心曙公尤極孝敬處事皆知大體凡奉直公力營祠墓祭田及諸善事宜人贊成爲多中年以後艱於息育屢爲奉直公置筵然終無所出遂勸奉直公以從弟子武爲嗣愛之如己出武以疾天宜人復偕側室陳氏撫二孫迄於成長未嘗有偏愛壽八十餘而卒人謂賢孝之報也公所輯有

聖恩旌孝錄誠菴公遺稿全履堂葬法吳氏家規摠若干卷餘詳藝文



第三十七世宏遠公

公諱正模字宏遠幼卓犖淵穎讀書多喜為別解尤長  
星命陰陽數理之學自謂得五龍甘睡法故別字善臥  
性忼慨遇事勇於敢為無所畏避累世祖墓在休寧茅  
司徒嶺人伐其封樹舉族聞之憤咤扼腕公方壯年盛  
氣誓追理之即率從弟如江至休寧其人旋亦悔謝因  
相與誓約勒石樹墓左祭告而還其明於大義多類此  
公狀貌清偉修髯廣額矯矯有出塵之表暇則遊歷山  
川而攬其形勝每有所會輒低徊留之而不能去晚臥

病忽謂家人曰天台君以九蓮燈召我爲錄事遂溘焉而逝從弟騫哭以詩云髯也風流解捍龍形同野鶴與孤松一燈未滅飄然去知在天台第幾峯蓋言其於死生去來之際脫然而無所累也公四女其二早寡並有節烈

第三十七世文學介如公

公諱嶸字介如號石齋少聰穎有才思讀書日數千言弱冠補博士弟子益肆力於學仁和胡大令旣掌教西湖公與兄西臺公負笈以從受學於崇文書院執經請業深爲大令所賞識常以遠器期之居崇文數載所交皆一時知名之士文酒唱和無虛日每學使者試輒高等顧屢困於棘闈公自幼刻苦勵志至是愈發憤讀書晨夕無間遂得咯血疾卒年二十有九平生謙和愛物歿之日鄰里多爲之悼惜繼配沈氏結褵甫三月而寡



守節撫孤今三十餘年矣公所著有戴記鈔藤蓋軒雜錄石齋遺稿

第三十八世文學延清

延清名日照號梅峯羈卅之歲卽解吟咏工書法長有口辨善談論於書無所不窺爲人苦志勵行父學海公久客邗上許孺人在堂恆切倚閭之望延清間歲懷甘旨附估舶渡江問起居歸以報於祖母暇卽閉戶讀書不交外事二十餘補諸生深爲學使者所賞未幾食餼於庠爲人英爽明決遇事無疑難從世父景一公雅愛其才命兩孫從之游晚更以家政委焉迨公歿孫皆少延清經紀其喪兼爲禦侮人謂能不負公所託爲詩多

取軌盛唐於明則服膺李何不落宋元人窠臼與仁和  
余太史集為摠角交太史嘗曰延清所造未可量也惜  
享年不永四十餘卒所著有族譜稿梅峯詩文稿

休寧厚田吳氏宗譜卷之四

壽賜  
晁琬同校

休寧厚田吳氏宗譜卷之五

左臺三十七世孫審輯

藝文

吳孝子傳

海昌吳孝子能竭力以事其親盡愛盡敬無毫髮遺憾  
而後即安鄉黨嘆異之嘖嘖不置口咸稱之為吳孝子  
吳孝子云孝子名琦文字玉章湛深程朱之學而一本  
於存誠又自號曰誠菴先世為新安望族自其祖以商  
來海昌遂占籍焉孝子生在襁褓中坐其父膝上父對

之誦小學輒嬉然而笑若有所領受者此有以見植基之深而所以教之者爲有素矣比長性益篤厚周旋父母之側先意承志務欲得其歡雖姿稟明敏喜讀書懼坐守一經不足以盡孝養乃牽車服賈營什一之利朝夕奉食飲必備旨甘黽勉有亡不使父母覺其艱苦也父病滯下孝子重趼膚皮盡裂血淋漓走數百里求名醫醫辭以遠孝子叩首流血終不應爲之懸擬數方以歸弗效籲天請代卒不能起孝子一慟幾絕欲以身殉顧念母在義不可爰經營窀穸力求高燥顧貧不能致

悉鬻其妻之衣飾并稱貸以益之而後成於是廬墓三年情深攀柏且往來數十里歸省其母母亦以哀哭過甚雙目俱障將失明醫者皆謝不能孝子日以舌舐之月餘而障盡退孝子追痛其父亡而自咎其不明於醫也乃博覽方書悉心研究母後以病膈法在不治孝子精思密審自酌方劑消息進退歷五六年而母病以瘳母性絕嚴毅教其子雖已成立小不如意輒具杖孝子跪受之起必整衣而謝且視母色稍不豫卽長跪請罪以俟其解終其身如嬰兒之在懷抱也少雖習於質遷



而秉負慷慨多所施予囊橐常空娶於汪汪固素封也  
嫁時裝送甚盛孝子笑謂之曰吾雖德謝鮑宣君豈不  
能如桓少君乎妻乃屏當一切佐孝子奉親而并以周  
卹其親黨閨門之內肅肅雍雍鴻案相莊莫之或過年  
僅三十而卒孝子亦遂不復娶焉孝子有二弟仲曰奇  
行季曰奇馥兄弟怡怡相爲師友而均有至行爲世所  
稱皆孝子陶育之所成也有妹曰瑩性尤淑慧從孝子  
受學學務根本倍承順乎其親母方病膈時孝子或外  
出謀藥餌凡調攝之節服食之宜有妹在左右孝子心

乃安以是母病旣痊悉歸功於其妹而痛其勞瘁成疾  
旋至於亡也因輯其事與言爲之作傳記而自爲文以  
哭之良有以也孝子篤志於學以世有隱德承其父命  
不求仕進於身心性命之理孜孜焉講明而體究之維  
時邑侯以講學爲政延名儒以爲書院長孝子上書求  
入學邑侯許之已而察其志行醇粹日手近思錄一編  
白鹿瓣香庶幾在是乃具禮敦請欲奉爲子弟師孝子  
以母老病辭卒不肖赴紫雲何先生者邑之賢士也孝  
子敬服之以師禮事何卒無後孝子經理其喪族有凶

人肆其侵侮孝子力爲捍禦乃得保其墳塋有孫姓爲盜所誣株連特甚親族皆袖手不敢顧孝子挺身白其冤事乃得釋賈氏有女年方及笄邑豪強委禽焉欲以爲妾其母病且劇伏枕而泣曰非吳孝子不能救也延之榻前痛哭以請孝子毅然而出卒退其婚其他排難解紛捐資以濟人之急者不可更僕數然每有所爲必稟命於父母出而語人曰此吾父吾母意也其善則歸親有如此年五十二以疾終家無餘財貧不能葬弟與子傭身取值始克安宅兆焉越四十餘年其子有曦敘

其行事呈郡縣申臺使者以請於朝未得

旨而有曦歿旣而蒙

恩俞允除給銀建牌外例入孝子祠有曦之子正純葺其祠宇使一新然後置主以奉於祠內邑人士送而拜者數百人咸嘆孝子之遺風足以坊表乎百世而能彰顯其事以傳於無窮者又賴其有賢子與孫也詩曰孝子不匱永錫爾類又曰永世克孝其吳孝子之謂與贊曰嘗讀前代史冊若孝義獨行諸傳心竊景仰之今



觀吳孝子又何多讓焉雖然人之知孝子以爲孝子足以信今而傳後者特行事焉耳至其真誠惻怛有以化導乎弟妹而子若孫因以世其家風殆有不可得而言傳者第執是以爲孝其猶伯牙之琴弦乎

賜進士出身中憲大夫雲南永北府知府前浙江嘉興府同知杭州府東海防同知海寧縣知縣直隸冀州知州平湖縣知縣湖廣蘄水縣知縣浙江癸卯

恩科同考試官辛酉鄉試內監試官年家眷弟林緒光頓首拜撰

書吳玉章遺稿後

吾友吳玉章沒四年其季弟德求出其殘稿一篋以授余泣而請曰吾兄平日相契之深而愛敬無間者莫若吾子則信今傳後而爲吾兄不朽之託者亦莫若吾子矣余受而閱之定其稿之可存而并識其志行之不可磨滅者亦朋友之責也其何敢辭玉章諱琦文號誠菴世家新安其大父諱萬鍾始以商籍隸海寧之新倉遂爲海寧人正直嚴毅至今人多稱道之考諱應鳳潛德隱行不顯於時而鄉里以善稱母汪持家有禮閨門之

內儼如也玉章方在襁褓呶啞嘻笑父誦小學對之人  
嗤之曰吾欲培其先入之基耳母嚴有過與杖起輒整  
衣拜謝是時邑令許侯方以講學爲務乃上書願入義  
學從師侯奇而許之久之覽近思錄俯誦仰思其有不  
得或至泣下一以朱子爲法焉玉章旣勇且專而以平  
日體認經歷之言雕肝琢腎發而爲文罕有能識者而  
樂之不厭云生有至性父病從醫乞方服之不效旣而  
加劇乃自引爲己罪冒荆棘犯霜露晝夜兼行以求醫  
而不知趾血之沾履也至則叩頭流血終不能致乃曰

吾陷父於死而不能救律以許世子之義其何能辭初  
欲捐生以殉顧念母夫人之在堂也義又不可死於是  
銜哀飲恨廬墓三載而往來奉母不輟其後母以高年  
患膈醫謂不治玉章初不知醫乃檢方書細究其所以  
然因誠生明遂通醫理消息進退用藥輒效至其服食  
之宜調治之節則與其妹精思熟講有出於尋常奉侍  
之外者而病卒愈其他先意承志左右無違古人不能  
過也玉章爲人刻勵堅苦屏聲色斷滋味空牀疏食二  
十餘年治心鍊性恆以夏楚自隨一念之妄輒自撈掠



人服其勇天性抗直不能容人之過往往面折之而退則稱其所長至其受人之言反覆辨論以究其實不肖苟且唯諾而於一言之中流涕下拜終身感之喜談論善啓發每與人言輒以固有之良動其本心往往有悔悟者而尤勇於有爲義之所在雖艱不顧人以緩急叩之惻然若切己者盡其心而後已黃灣有孫姓者爲盜所污株連鄰里甚衆挺身爲白其冤事卒得釋賈氏女者弟婦妹也人強以妾聘之其母方病泣曰非吳先生不能救吾女也邀至榻前叩頭以女爲託許諾乃瞑其

後出力卒退其婚其排難解紛多類此紫雲何商隱先生玉章以師禮事之先生卒無後而族有凶人肆其侵侮者玉章乃內而經紀喪葬保護墳墓外則廷爭舌辨以折凶人之鋒而遠近嘖嘖稱義士云玉章二弟仲奇行勉彝季弟奇馥德求勉彝豪邁倜儻不可控制玉章誠感理論卒能折節收心而與兄爲同調德求從兄之教循循規矩行有餘力非聖人之書不讀也妹瑩淑士尤賢以兄爲師而奮志乎聖賢之學一門之內母慈子孝兄友弟恭玉章之化也妻汪以賢德稱唱隨之間相

率以禮其或因事獻規玉章則整容肅揖之嫁時裝飾甚盛而吳氏家故貧盡斥以供衣食略無慍色年僅三十而卒玉章亦不復娶玉章篤孝人也先母而卒而母夫人亦於是年沒矣一子有曦今始舉一孫云卒年五十二時維康熙戊寅余與玉章交二十年而知玉章爲深嗚呼如玉章者其聖人之徒與不屑屑於章句而能推之踐履之間可謂不負讀書者矣故次第其志行之不可磨滅者以諗當世云姻弟查樞謹述

### 旌孝錄跋

南豐曾氏之言曰予觀古今豪傑士論人行誼往往務摭奇以動俗亦或事高而不可爲繼或伸一人之善而誣天下以不及雖歸之輔教警世然攷之中庸或過矣百行孝先史傳所載間有驚奇可駭令人膽裂舌齟爭相傳述不置口然皆境遇適然孝子之不幸而非爲人子者必至是而始得稱也吾鄉吳孝子琦文通邑稱之今且升之有司受

朝廷綽楔之榮行且列名史冊垂不朽矣里中人咸稱孝



子父病徒步走數百里求醫曉夜跋涉足裂流血弗顧  
母目盲以舌舐之日數次未數月目復明此皆人所難  
爲非孝思純摯不至此然止一節未遂足以槩孝子之  
生平往在里中間孝子爲人刻勵堅苦一念之妄輒取  
夏楚自榜曰何以對吾親乎夫一念不忘父母則隨時  
隨事皆無聲之聽無形之視矣孟子稱大孝終身慕父  
母夫以大孝而止稱之曰慕豈真有事高不可爲繼誣  
天下以不及如曾氏所云然誰非人子取此不可對父  
母一念默爲體驗未有不汗流浹背跼踖高天厚地之

間幾無以自存者此中庸之所以不可能也孝子之孝  
豈止求醫舐目諸小節足以輔教警世而已哉入祠之  
日身侍

黃扉不獲隨鄉人後躬與盛典孝子之孫正純以旌孝  
錄馳寄爲跋其後

賜進士出身太子太保文淵閣大學士兼工部尙書前  
工部尙書都察院左都御史戶部左侍郎總督倉場戶  
部右侍郎都察院左副都御史督修 聖廟總理江南  
水利巡撫山東等處地方都察院右副都御史內閣學

士兼禮部侍郎翰林院侍講學士提督順天學政翰林院侍讀詹事府左春坊左贊善翰林院編修

玉牒副總裁編纂政治典訓纂修康熙字典辛卯科山東副主考順天武闈副主考甲午科廣東正主考庚子科順天副主考己丑科

殿試讀卷官翰林院庶吉士眷弟陳世倌拜撰

### 海寧孝子祠記

乾隆十有九年甲戌余奉

命再視學浙江考校所至每求忠孝節義之弗及聞於時者而表揚之越明年余友海昌祝孝廉淦爲余言邑有故孝子吳琦文者蒙

上恩旌表主入忠孝義祠有年矣其孫正純以公所興廢有時勢難經理乃告諸有司就學宮大門外西偏隙地獨力捐造爲孝子祠其制樸而完謂垂諸不朽之必有託於文也請爲之記余維孝之爲德天性自然不假人

力修爲而後有者也而以孝稱者概不多覯何哉若吳孝子生平畢慮盡能以事二人當其至性勃發萬難解免豈自知其爲孝於親者而沒世名稱歷久益著誠之不可揜乃如此今正純祠堂之建固幸有其力然天下之有力而不知所用者亦衆矣能用之於此豈非其仁孝之思之所揆度者審亦豈非孝子精誠所結有以貽厥孫而然耶又聞孝子之妹淑士孝情尤篤其天性固然耶抑得於其兄者深耶世之事親者其亦聞風而心動矣

乾隆二十一年春三月左副都御史提督浙江學政加  
二級紀錄三次雷鋮撰



海寧吳孝子祀田碑記

乾隆六年兩浙制府德公沛請旌海寧孝子吳琦文於朝恩許入忠孝節義祠既奉主以入越十有一年孝子孫奉直大夫正純以爲忠與節義夥矣而孝未有專祠也復於學宮大成門外西偏隙地建孝子祠鄉人以其爲吳氏所建順途而稱之曰吳孝子祠其實孝子之前有董孝子謙竝祀焉孝子墓田丙舍在海鹽縣龜山之陽奉直度地於墓外三里許永安湖東之張山下勅建專祠奉安神主斯祠則特祀其祖爲孝子一人之丞嘗



惟吳氏子孫得祀奉直精意以享之意也以田之在海寧者九十三畝五分有奇地十二畝四分有奇在海鹽者田三百三十七畝三分有奇山九十畝九分有奇蕩一畝有奇悉收戶爲吳孝祠以充祠祀之用計其所入寬然有餘以其贏餘旋置新產通三十年以爲準或相倍蓰或相什伯生衆而用舒何所用諸奉直作而言曰吾宗之有孤惻老疾及貧弱不能自振者計口而食隨境而給可使一族無窶子此收族敬宗之一義也青襟組帶之彥或遊於校或舉於鄉或爲清白吏而歸不能

謀饘鬻或死封疆歿王事輶荒封樹之費崇臺綽楔之觀悉於是乎出則人皆相勉於詩書而敦崇乎節義可使一族無僉人此又移孝作忠之一義也余聞其言而偉之奮然曰孝子之孝孝於二人而推恩於弟妹奉直之孝孝於其祖而廣其仁於一族且廣其仁於後世是孝子猶爲獨善其身而奉直則功兼利濟也有唐張公藝鄭太和非有奇節偉行也卽其收族一端溥而橫諸四海遂能獨立於千載之上奉直非其人乎傳孝子則琦文之前有董孝子傳獨行舍奉直更無其人也制行

之道孝難而義易然能割家財以施之一族與施之後世其難更甚於割股殘肌奉直慨然行之而無疑使其割股殘肌亦優爲之可信也故吾謂孝子爲吳氏不祧之祖奉直卽可爲吳氏不祧之宗異日者烝嘗合食粟主配享此亦人情天理之至諒無有異議者此固奉直意念之所不到者也吾先著此議於篇百年之後必起而從吾言者嗚呼祠非祭則祠爲虛器祭非田則祭成墜典斯舉也有義田之規模有社倉之約束是古名臣及大儒經畫數十年而始盡善者奉直一旦行之而

卽與之脗合固其量宏亦其識遠也不可不鄭重以志也是爲記

乾隆三十有七年龍集壬辰三月望後三日

召試博學鴻詞直

武英殿奉

勅校勘經史充三禮館纂修官前翰林院編修仁和杭世駿撰

吳愚齋處士墓碣

處士吳姓諱瑛中字心安愚齋其號也系出唐左臺御史少微至處士三十有六傳矣自休寧遷海寧之長平鄉今四世生而岐嶷少長有老成風非僻之事一不涉於耳目事父玉方公母蕭孺人備極孝敬病則千里致醫凡可以冀有瘳者無不盡也居喪一遵朱子家禮日夜求所以安先人體魄者取昔賢大儒論葬之書參互考究而從所謂三合土灰格之法凡築十二晝夜始封畢哀泣過甚自由是失明平素嫉異端之教爲世害嘗



著不惑論以闢之且預誠後人我身後慎勿延緇黃作  
音樂也居嘗致千金盡償先人遺逋與弟共財不爲節  
量親舊以緩急告無恡情以故亦時形支詘然卒不爲  
悔教其子慎擇師友凡所訓誡皆立身行己之要晚年  
病風眩以乾隆三十六年九月二日考終故里春秋七  
十有二娶程孺人考州同知韶母王早世撫二妹一弟  
恩義並至旣許字處士未行而若考又卒重以外侮孺  
人以弱女子爲之楮格旣遷匿於淺土次第嫁其二妹  
屬幼弟於叔父而後來歸事舅姑盡婦道雍正二年秋

淫雨海溢姑適病牀蓐良人遠出求醫夜半水奄至孺  
人攀牀號泣水勢忽小卻負姑升極以免時東西家之  
僱於厄者衆旣免人咸異之同產弟天復爲考立後且  
營葬并葬兩叔父之無後者手植松楸里人稱孝女阡  
云年七十後處士九月卒子三人皆爲儒伸出後早世  
文昭與其季子騫游騫博覽多通能文章泊然於榮利  
之途蓋能守處士之訓者其敘述考妣言行具有條理  
葬時未有銘余以賢孝違絕之行所當使人共見聞之  
有所興起故不追爲之銘而特文諸碣使揭於墓道之



左且系以論曰人子之於親莫不志在顯揚然富貴而名磨滅者何限求不死其親莫若處善循理而有文章天地之道其蓄之也淳龐敦固其發之也顯融光明以若人之行事得令子而彌彰有美而稱之余是以信其道之交相成也處士之名百世之榮豈藉圭紱鍾鼎而乃爲輝光也哉

乾隆四十四年十月

賜進士及第前 日講起居注官翰林院侍讀學士餘

姚盧文昭撰

奉直大夫候選直隸州同知吳君墓碣

吾杭海寧新倉里有以孝友能繼志聞者是爲東山吳君諱正純字景一系出唐左臺御史少微君之高祖由徽之休寧始遷今居焉祖誠菴公諱琦文嘗因父病徒步百里外求醫及父沒慟哭嘔血數升母目有眚舐之復明鄉黨皆稱其孝生贈奉直公諱有曦君卽奉直之長子也生三歲母查宜人亡哭泣如成人迨少長以生計之艱求所以解贈公憂者家故商籍乃厘身從事經營積歲家始漸饒贈公恆以誠菴公孝行未得表章爲

恨君於

今上初元手疏事實陳請迨得

朝褒而贈公已前卒君以若考抱此志有年而不及見也一慟幾絕邑故有忠孝祠君又勅爲孝子專祠於文廟大成門外并出田若干畝歸之祠爲歲修費又以誠菴公墓地庠慮有水欲遷葬人曰未必然君求得善地於海鹽石屋山之陽卒移窆焉及啓窆而椁上果有痕若屋漏然者人始歎君之精誠獨至爲能洞幽入冥也祖姑適朱者歸侍母疾以勞卒無子贈公遵考之命祔葬

祖穴旁令吳氏子孫守其祀君又歷敘平生懿行求名人文碣其墓其切於紹述舉類此家又立孝子祠祀誠菴公爲祭田五頃兼以贍族壹如宋范文正義莊遺規君壯未有子取母弟正緒子爲子無何相繼沒乃子從弟之子武人曰君之齒未也何遽爲君曰吾恐老人以無孫爲戚也蓋是時贈公在堂故云卒年七十有九其日則乾隆四十有四年十一月七日也循例爲選人當補直隸州同知加二級授階奉直大夫妻曹氏宜人不逮事姑而奉舅也孝考妣咸封贈如例武爲君後者前

卒有二子英進英達俱太學生君又以英達後其弟英進今已舉三子矣以歲辛丑之三月葬君於海鹽東山之阡美哉孝友之風爲不墜矣乃系以詞曰

泰伯虞仲孝友開先仲後嗣伯以永其傳遙遙千載仍世象賢孝友繩繩有光於前行無定軌體微入元有創有因咸無間然古稱不朽匪曰世祿繼述若斯輝華其族東山之原行者止止宰如繫誰孝子孫子

乾隆五十年歲次乙巳正月

賜進士及第前 日講起居注官翰林院侍讀學士餘

姚盧文昭撰



吳節婦傳

節婦姓黃氏系本江夏吳君仰朝側室也仰朝名意元故新安舊族明萬歷間自休寧來齟於兩浙間愛角里醇風遂僑止焉中歲未有子以兄子爲嗣事親少當意納節婦有娠已而舉一子曰萬錦未及晬而仰朝卒黃年方艾吳族人利其金百計凌之覬黃不能安其室黃泣曰吾所以未卽殉亡人於地下者以是藐孤冀爲吳氏延一脉耳臂可斷耳可截志不可移也亡人遺業聽舉族共取之毋畱以污吾志於是遺業遂蕩然一空黃



何嘗身且完言 卷之五  
獨與子居窮巷當是時人罕有知吳氏之孤而存之者  
黃力營紡紝以供朝夕饗飧不繼并食而食萬錦稍有  
知識則呼而告之曰始吾以而父暨爾適母遠辭桑梓  
而歿於外旅殯尙在淺土冀待爾長而歸骨先人墓側  
今吾與若形影相弔期功強近無一人可倚者脫吾且  
莫死而汝流落轉徙則爾親永無歸土之期莫若卽斯  
土卜地以安體魄不猶愈於暴露乎乃求得地於菜花  
涇之東家貧力又不能營窀穸母子日負土以成墳家  
去墓數里朝往暮歸且號且築路人皆爲流涕其穴容

三棺而虛其一曰畱以待未亡人識者謂節婦蓋已自  
矢靡他矣平居教其子嚴而有禮擇師皆里中有學行  
者後萬錦卒爲端人節婦以老壽終

論曰嘗觀古列女之有芳節懿行者非特志操之卓絕  
而其識亦必有度越於人者當仰朝旣歿族之人咸耽  
耽虎視蓋利其所有也節婦一弱女子設與之支格則  
破巢毀卵可以立致乃竟棄其產以保孤甘心窮餓而  
不悔此其智識雖程嬰杵臼不是過也詩曰誰謂荼苦  
其甘如薺孔子曰自古皆有死民無信不立噫不信然

哉

姚江邵晉涵撰

孝女吳淑士墓碣

孝女吳瑩字淑君私諡淑士海寧人也父應鳳患滯下  
伯兄琦文重繭走百里之石門覓醫醫遊武康卽迹之  
武康血流被屨不知也醫膏術不冝行處方與之益增  
劇琦文哀憤甚引刀刲股而刃弗殊一臂幾折執喪廬  
墓三年母汪以晝哭故將失明朝夕舐之數月而光復  
旋患鬲中死法琦文博求方術以時消息其病之所起  
主其湯液醪醴者女弟瑩也視無形聽無聲縣冬及夏  
不夙則莫脅未嘗貼席口未嘗甘味也歷六七年而母

瘳而孝女憊矣形瘠神離不可爲矣年二十有九時康熙歲在甲戌六月八日也琦文獲旌入忠孝義祠而孝女不得請何也琦文之孝顯孝女之孝隱顯者可以辭達可以筆述官司可據以入告隱則深知者能信不知者不信也又非可人人強而與之語又非可人人強而使之證也兩楹之殯閱九年歲在壬午某月日兄子有曦始克葬於蓮漚祖塋之西偏碣曰孝女吳淑士之墓女徹環瑱願養父母如北宮之女嬰兒子之所爲母哀其志贅同邑朱氏子爲壻女故朱氏婦也宜稱婦說春

秋者曰婦者從乎姑之辭也孝女不及事姑無阼階著代之文無三月廟見之事孝之名懸而無薄不屬於母而誰屬也孝於母在吳則爲孝女穀梁子所謂以我禮之也以我禮之則猶然女而不婦也女而不婦則婦之不可也會子曰女未廟見而死如之何孔子曰不遷於祖不祔於皇姑歸葬於女氏之黨壻無御輪之迎父無反馬之致魂魄得依所親聖人之所不禁通儒之所不議孝女之孝雖九原不隔也然則可祭於祠乎古無其禮也古無其禮而吳氏行之所謂禮以義起也考有宮



而孝女無子貧有牖而孝女無女無子無女而有若敖之餒是吳氏之愬也其祠也所以酌其孝也諡曰淑士義何居也詩曰釐爾女士女有士行則與凡爲女者有間孝女讀書明大義從伯兄學潛心經術非聖之書不觀吾志其墓據經以立言孝女之士行見孝女之純孝亦見系之詩曰

惟孝有五不及婦人男統乎女聖經不云女嫁曰歸義在食貧有舅有姑至死服勤偶或歸寧不能終身抑搔疴癢勢不得伸北宮嬰兒冠古鮮倫至老不嫁志在養

親修川女瑩降靈自天依母爲命若將終焉母爲擇對不送之門壻焉出贅女不往嬪母疾危勵食不下咽蛾眉宛宛含愁而顰量水稱藥斟酌等分時其起居時其夕晨時其消息忘寢與飡洗手作羹味邁八珍母飲而甘母食而芬回斡造化收召魄魂以女精氣益母元辰綿歷寒暑沈疴頓捐醫工咋舌技窮而歎歎女純孝驚猶天神母則痊矣女則瘳矣神離形瘳大命莫延偏親號咷伯兄涕漣兩楹布奠有文一篇誦女力學非聖不觀生孝猶易死孝實艱僕堂斂阼褻衣不陳漆鐙無光



總帷久懸椒塗不啓凡閱九年兄之猶子葬之新阡蓮  
漚之兆松柏萬千謚曰淑士告於几筵碣曰孝女表於  
隧埏敦我一老據經立言春秋書法禮堂舊文虛公酌  
議誅辭璘幽煒我彤管恭俟  
愍綸

乾隆龍集壬辰四月

仁和杭世駿撰文

錢塘梁同書書丹

休寧厚田吳氏宗譜卷之五

昆垂同校  
昌猷


休寧厚田吳氏宗譜卷之六

圖記

# 祠墓圖


左臺三十七世孫騫輯

北



西

東



南

孝子祠記

欽褒孝子祠在海寧州儒學櫺星門內西側海寧州志云

乾隆十九年已故孝子吳琦文孫正純捐貲勅建

祠宇碑記並祠產等

祠正室三楹

中設主二一祀明董孝子謙一祀誠菴公

傍屋一間

中有廚竈

石碑二座

在祠內左學使雷鉉撰交右邑令會一貫撰文

石神臺一座

上有香案

田貳拾陸畝零

本州二十七都十一圖冊名吳孝祠○此田交本學齋夫陸九



思掌收租入為歲修灑掃之費詳前令會一貫記

莊房八間

在田上



茅司徒嶺墓圖



休寧吳氏宗譜 卷之六  
茅司徒嶺墓記

第三十世天宜公暨配何孺人合葬墓在休寧縣鍾秀

門外茅司徒嶺未山丑向 有墓碣  
字莫辨

第三十一世昌言公暨配劉孺人合祔葬天宜公穴東

山向同前 有墓碣

第三十二世奉橋公暨繼配汪孺人合祔葬爾儀公穴

東丁山癸向 有墓碣崇正  
八年季冬立 奉橋公元配方孺人祔葬

公穴前十數步 有墓碣上刻丁亥  
字稱祖妣方安人

第三十三世達宇公暨配程孺人合祔葬天宜公穴西

未山丑向 有墓碣

第三十四世爾儀公暨配凌孺人合祔葬昌言公穴東

坤山艮向 有墓碣康熙十  
一年冬月立

第三十五世象先公暨配胡孺人合祔葬奉橋公穴東

丁山癸向 無墓碣

兆域田畝竝碑碣等

田叁分玖釐伍毫

地陸畝柒分肆釐

山貳分壹釐柒毫

塘貳分柒釐

共折實田伍畝陸分陸釐捌毫叁絲叁忽貳

抄半

休寧縣五都四圖八甲冊名吳鍾秀戶下每歲額徵糧銀陸錢米壹升

案右田地山塘細數乃乾隆丁亥託

篁墩族人名榜者至休寧縣庫冊所

查得如此實不知兆域若干畝而其

餘或為屋基或為祠堂故阼皆不可

得而詳矣

祠堂一所

此厚田東里支祠也今毀

墓碣六座

竝立各冢上

禁碑二座

一禁樵採及放畜牧一禁盜砍蔭木竝在墓側

穴後古樟一株

高十餘丈大合數人抱蔭覆諸穴

穴前後雜樹不計數

旌干二座

案右茅司徒嶺祖墓凡合葬及耐葬

為世六穴七在休邑既無墓下嫡裔


居守而遷浙各房實所公共理合同

相保護使烝嘗弗替今每歲春秋祭

掃及糧稅一切僅惟居小桐溪之一  
二房承辦此固爲子孫者誼不容辭  
然而事有興廢時有變遷所願後嗣  
顧念一本同心協力務期百世永固  
除託人祭掃外并宜時時親自上徽  
省視墓道培護松楸倘更能續置祭  
產重新祠宇則是孝子慈孫之責有  
志者尙勉爲之




蓮滙墓圖



東

北

南



西

安睦橋

吳氏墓祠

蓮滙墓記

第三十四世爾期公暨配汪孺人合葬墓在海寧州東

蓮滙之原子山午向兼壬丙

康熙壬午葬西山卯向  
乾隆辛卯改葬今向

第三十五世勉彝公暨配賈孺人合祔葬爾期公穴東

妹孝女淑士祔葬爾期公穴西

兆域田畝竝祠宇碑碣等

田玖畝參分

本州三十一都二十  
五莊冊名吳景全

石墓門一座

石祭臺一座



后土碑一座

墓祠一所

二進計  
十間

孝女墓碣一座

在祠內仁和杭世駿撰  
文錢塘梁同書書丹





麻涇橋墓記

第三十四世爾鳴公暨配胡孺人合葬墓在海寧州東麻涇橋蔣家浜南子山午向兼壬丙

第三十六世連士公暨配蕭孺人合祔葬爾鳴公穴東乾山巽向

兆域田畝並餘地等

地捌畝柒分陸釐

本州二十都二圖冊名吳德全乃老戶

又地壹畝



都圖同前。此地乃愚齋公續置入己冊名吳永全戶下辦糧

墓廬一所

毀

旌千二座

黃家潭墓圖



黃家潭墓記

第三十五世在田公暨配汪孺人張孺人合葬墓在海  
寧州東黃家潭子山午向兼壬丙



兆域田畝

田貳畝肆分

本州十都  
圖冊名吳敬存



東



西

石屋山墓記

第三十五世孝子誠菴公暨配汪孺人合葬墓在海鹽

縣西南石屋山之陽癸山丁向乾隆丁亥四月從蓮滙祖塋遷葬

兆域山畝竝牌坊碑碣祠宇等

山肆拾畝伍分海鹽縣有圖吳字等號冊名吳孝祠

欽褒孝子石牌坊一座

石墓門一座

石祭臺一座

石平臺二座上方下圓竝有階級

石甬道三層

后土碑一座


墓祠一所二進及廂屋共十間中奉休寧始祖左臺公遷浙始祖達宇公及誠菴公

以下各主

石碑二座竝在祠內

又記一通計二條石陷祠壁

眠花山墓圖





眠花山墓記

第三十五世德求公墓在海鹽縣西眠花山之原實平洋

癸山丁向

兆域田畝竝墓誌等

田壹畝伍分海鹽縣有圖冊名吳商山

石墓門一座上刻墓誌

石祭臺一座

拜石一方



盧家橋墓圖

盧家橋墓記

第三十五世玉方公暨配蕭孺人合葬墓在海寧州東

盧家橋之西子山午向

兆域田畝並墓廬等

田地拾貳畝捌分

本州二十九都十二圖冊名吳永全

又墓後地壹畝

都圖冊名同前此地係續置

墓廬一所

二進計十二間


旌干二座



木山墓圖



山木



木山墓圖記

三

木山墓記

第三十六世 誥贈奉直大夫心曙公墓在海鹽縣木

山之陽土名關門趾 辛山乙向

第三十七世景源公附葬心曙公穴左西山卯向

兆域山畝並祠宇碑誌等

山拾陸畝叁分海鹽縣唐圖吳字號冊名吳孝祠

又陸畝尤字號冊名同前

石墓門一座

石祭臺一座

石碑一座立墓門之右

石平臺二座上方下圓並有階級

后土碑一座以上並心曙公墓

石墓門一座

石祭臺一座



石平臺二座以上並景源公墓

墓祠一所在永安湖夏家灣三進計十八間

祠基並餘地山肆畝肆分海鹽吳字號冊名吳孝祠

石碑二座在祠兩廡

廟灣墓園





廟灣墓記

第三十六世心曙公元配朱宜人繼配李宜人合葬墓  
在談仙嶺西北獅山之麓上穴艮山坤向孫宜人李  
宜人合葬墓在獅山之麓下穴子山午向

兆域山畝竝石臺等

山拾壹畝伍分

海寧州二十八都四圖  
思字號冊名吳慎餘

石墓門一座

石祭臺二座

后土碑一座



伏獅山墓圖

伏獅山墓記

即徐灣

第三十六世心曙公繼配查宜人墓在海鹽縣伏獅山

西大山之麓庚山甲向

兆域山畝竝碑誌等

山柒畝

海鹽縣國圖許字號冊名吳孝祠


石墓門一座

石祭臺一座

前刻墓誌




烏龍山墓圖



伊豆身良宗記

卷之六



水經

卷之六

圖記

烏龍山墓記

第三十六世守愚公暨配曹孺人合葬墓在海寧州東

烏龍山之陽亥山巳向乾隆丙戌二月十九日葬

兆域山畝並石臺等

山參畝壹分本州二十八都四圖思字號冊名吳善全

又山貳畝都圖冊名同前此山係續置

石墓門一座上刻墓誌


石祭臺一座

后土碑一座

錢山墓圖

伊賀步兵少將

卷之六



伊賀步兵少將

卷之六

圖記

錢山墓記



第三十六世武菴公暨配節孝許孺人合葬墓在海鹽

縣西南錢山之麓土名小戊山辰向

兆域山畝

山參畝貳分海鹽縣海寧莊吳  
字號冊名吳植





楊村墓圖

東

楊村墓記

第三十六世愚齋公暨配程孺人合葬墓在海寧州東

楊村之南原子山午向兼癸丁乾隆丙辰舉人海鹽姚元模扞

兆域田畝並墓誌等

田拾壹畝玖分本州三十一都二十圖冊名吳永全

又田伍畝陸分

澗伍分以上都圖冊名同前係續置

墓誌石二方一篆書額一楷書誌並同里陳克恕書丹用鐵二條束合瘞穴前約

深丈餘

墓碣一座翰林院侍讀學士餘姚盧文弨撰文

旌干二座

墓廬一所一進計七間

右楊村墓圖并記乃先考愚齋府君先

妣程太孺人葬處也昔府君嘗誠不孝等曰

列世塋竈為祖先千百載安藏之宅而後

嗣興衰絕續所關最重宜詳為圖記刊入家

譜俾世世子孫永加敬護無稍侵越常觀舊

族墓圖多詳述龍穴沙水蓋為風水起見夫

陰陽之理雖若難知然每見人家祖墓爲子孫任意耐葬遂致敗壞甚者禍不旋踵可見耐葬之害實不小况一房旣耐則餘房效尤其勢不至如漏澤園不止言念及此能不痛心爾後凡祖墓之旁雖有餘地慎勿輕事耐葬以震驚幽靈而侵撓墓局卽浮屠亦耐葬之漸宜并戒之又寧俗更有惡習堪痛恨者則所謂火葬是也夫天地間至無知之物莫過禽獸然其見烈火猛焰猶知畏避顧爲人

子若孫反忍舉其親之體而加以炮烙之慘是真禽獸之不若矣或以爲死者無知則吾每聞有棺剖於前而鬼泣於後者又有焚至半枯而屍骸蹶然起坐者謂死者果無知耶苟子孫尙有人心卽無力營葬但每棺用石灰二三百斤和以沙土烏樟之汁而瘞之不毛之地不猶愈乎吾後倘有爲火葬之舉者願闔族共斥之毋稍寬假春秋永不許入祠與祭吾族果能痛革此弊則鄉黨之人或有

聞風而起轉相告誡永無有蹈此惡習者是  
所謂愛其親以及人之親豈非仁人君子之  
厚澤哉右皆府君平居教誡之語敬錄附墓  
圖之後後嗣各宜恪遵先訓毋自陷非禮而  
速尤悔也男霖騫謹述



吳家山墓圖



吳家山墓記

第三十七世 誥授奉直大夫東山公暨配曹宜人合  
葬墓在海鹽縣吳家山之陽午山子向

兆域山畝竝石臺碑碣等

山貳拾玖畝壹分陸釐

海鹽縣 圖尤許等  
字號冊名吳東山

石羅城一座

石墓門一座

石平臺二座

上方下圓  
竝有階級

后土碑一座



墓碣一通

翰林院侍讀學士餘姚盧文弨撰  
文翰林院編修餘姚邵晉涵書丹

水月菴墓圖

伊賀身長宗譜

卷之六



水月菴宗譜

宗譜圖記

三

水月菴墓記

第三十八世太學生觀成墓在海鹽石屋山西水月菴前西山卯向

兆域山畝竝石臺等

山田肆畝伍分 海鹽縣尤字號冊名吳本仁

石墓門一座

石祭臺一座

休寧厚田吳氏宗譜卷之六

英進同校  
英達

宗譜後敘

夫詩道衰而春秋作宗法廢而譜牒興譜之盛也其惟唐世乎如氏族志衣冠譜英賢錄以及瑯琊王氏解梁柳氏趙郡李氏京兆韋氏滎陽鄭氏諸譜皆可與史傳相為表裏炎宋之興斯道寢微及廬陵歐陽氏眉山蘇氏之譜出舉世奉為圭臬竊嘗反覆觀之大抵詳於近而略於遠傳其所可信而闕其所可疑其慎也如此宜為百世之楷模也歟吳以國為姓著在前載漢晉以降代有聞人唐林寶元和姓纂所謂季札之允居齊魯間



若夫濮陽鄆城陳畱渤海諸望姑弗具論惟吾休寧始祖左臺公以下支庶尤繁起唐迄今千數百年歷世四十有餘子姓或遷或處州郡幾遍至於宗譜亦隨地修輯隨時纂續支分派別無慮千百數其體例詳略卽稍有不同要之所以敬宗收族之義則一也獨予本支自厚田遷浙以來百數十年宗譜久未修輯致歷世出處事跡間多闕略昔 先子愚齋公暨從兄東山奉直屢欲從事於斯而未果予兄弟念先志之未成宗祧所繫重未嘗一日而敢忘之也今吾弟騫蒼萃諸舊譜相與

商榷攷訂又嘗親至厚田訪求近族務斬明確不支勒成宗譜六卷凡體例規模固已憲章歐蘇而事跡則信者傳之疑者闕之其慎重慮遠別嫌防微之意要可信今而垂後也因亟與從孫英進英達兄弟謀付削氏皆欣然踴躍勦事於是百餘年來之墜典一旦復觀厥成詩曰以似以續續古之人又曰繼序思不忘非是之謂乎他日休邑統宗之譜成卽以斯會之其分合本末固瞭如指掌苟其不成則吾後嗣尙時時修續俾昭穆有序而嘉言嫩行傳於無窮閭鄙之人且目而指之曰某

也善承前志某也克振家聲是皆厚田之賢裔非他支  
所可及實予兄弟之所厚望也夫

乾隆丁未十月既望左臺三十七世孫霖謹識



